

Euskal Herriko Ahotsak
ahotsak.com

Ainhoa Sarasua Laskarai

*Itsasu, Lapurdi
(1997)*

Aurkibidea



Biografia



1997ko martxoaren 4an jaio zen Ainhoa, Baionan, eta Itsasun bizi izan da beti. Aita Aretxabaletakoa du eta ama, aldiz, Itsasukoa. Bi ahizpa dira etxean eta bera da bietan gazteena. Baionako Etxepare Lizeoan ari zen ikasten elkarrizketatu genuenean, baxoa egin aurreko azken urtea burutzen, ekonomia eta soziologia espezialitatea hautatuta. Baxoa Euskaraz Elkartea, Iparraldeko hezkuntza sistema, Sehaska ikastolak, Udalekuak, bertso eskolak, mugikortasuna, musika, besta eta beste hainbat gai izan zituen mintzagai.

Zintak

ISU-004

- **Proiektua:** Gazte gara gazte
- **Elkarrizketatzailea(k):** Errazkin, Aitor
- **Data:** 2014-11-23
- **Iraupena:** 89 min
- **Euskarria:** Bideo digitala
- **Kodifikatzailea:** Errazkin, Aitor

Pasarteak

1. Baxoa Euskaraz Elkartea

- **Erref:** ISU-004/007
- **Iraupena:** 0:02:48. **Hasi:** 00:04:52. **Bukatu:** 00:07:40
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola

Laburpena:

Baxoa Euskaraz Elkartea Etxepare Lizeoko ikasleek sortutako taldea da. Ainhoak eta Maddik taldearen helburuen eta egindako bidean erdietsitako lorpenen berri ematen dute, bai eta aurrera begirako helburuena ere.

2. Aisialdiko begirale titulua

- **Erref:** ISU-004/014

- **Iraupena:** 0:02:05. **Hasi:** 00:14:37. **Bukatu:** 00:16:42
- **Multimedia:** bideoa online ikusgai

Gaia(k):

- Aisia » Mendia eta hondartza » Udalekuak

Laburpena:

Maddik aisialdiko begirale titulua du, eta Ainhoa horretan ari da. Maddik azaltzen du zertan datzan aisialdiko begirale titulua lortzea. Titulua frantsesa da, baina Maddik euskaraz egiteko aukera izan zuen; Ainhoek, aldiz, frantsesez egiteko hautua egin zuen. Bientzat izan da oso esperientzia aberasgarria.

3. Lizeoko lagunak

- **Erref:** ISU-004/017
- **Iraupena:** 0:01:28. **Hasi:** 00:20:02. **Bukatu:** 00:21:30
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola

Laburpena:

<p>Etxepare Lizeoan ikasita oso normala da Lapurdi, Behe Nafarro eta Zuberoko lagunak egitea, bistan da, baina lagun kuadrilla modukoak sortzen dira baita ere, eta aste burutan bildu ohi dira gero, txangoak edo dena delako planak egiteko. Beraz, ikasle horiek euren jaioterrietatik landa ibiltzera ohituta daude oso.</p>

4. Gazte mugimendua

- **Erref:** ISU-004/018
- **Iraupena:** 0:01:52. **Hasi:** 00:21:30. **Bukatu:** 00:23:22
- **Multimedia:** bideoa online ikusgai

Gaia(k):

Laburpena:

Gaztetxeetan antolaturiko gaualdiak, bertso saioak, bilkurak, proiektuak...

5. Gasteizen euskal ikasketak egiten

- **Erref:** ISU-004/019
- **Iraupena:** 0:02:01. **Hasi:** 00:23:22. **Bukatu:** 00:25:23
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Goi mailako ikasketak

Laburpena:

<p>Maddik 2012-2013 ikasturtean hasi zituen euskal ikasketak. Astebururo herrira itzultzen saiatzen da. Alde handia dago Gasteizko girotik Itsasukora.</p>

Transkripzioa

- Ados, bueno orduan oraintxe esan duzu Maddi e? Zuk e duela bi urte ezta? Egin zenuela ikasketak Gasteizen hasi? Eta horrek, nola eragin dio inguruari? Zure ahizpari, lehengusinari? Joaten zaizkizu bisitan? Zu etortzen zera? Ze da, ze martxa daramazu?

-Maddi: bai... ni saiatzen naiz asteburuetan gehienetan sartzen gira, bagira bon, lauzpabost horrela sartzen girenak autoz Gasteizetik. Beraz, lortzen dugu sartzea asteburuetan eta gero... adibidez, hauek badituzte Iparraldean bakantza gehiago gu baino eta Ainhoa etorri izan da hor azkenaldian. Bi aldiz edo jin zira? Pixka bat probatzera ikasle giroa ere, heldu den urteko hautuak egiten laguntzeko eta hola. Beti polita da pixua, badu xarma, ikasle bizia eta gero ostegunetan parranda pixka bat egin, ikusi hiriko giroa, aldatzen du ainitz, hemengo errealitatetik. Erakargarria da ez?

- Ainhoa: bai, bai, erakargarria da.

- Eta zu Maddi, bertan zer zaude e... alokairuan edo?

- M: bai... lehengo urtean amona Aretxabaletan bizi da eta egiten nuen joan-jina Aretxabaletatik Gasteizera. Ta aurten hartu dut pixua, bai hiruak, alde zaharrea, bikain.

- Nongoak dituzu pisukideak?

- M: pisukideak, eh... bat Zalgizekoa, Xiberukoa eta bestea, Baionakoa. Ikusi hor ere ikusten da lagunak urrunekoak, Lizeoko lagunak.

- Eta Ainhoa, han ikusi duzuna, pixkat, e... bon, lehendik ere ezagutuko zenuen. Hango giroa eta?

- A: bai, ez beharbada ikasle bizia baina bai hango besta eta hola bai baina...

6. Ainhoa eta Leire bertso eskolan ari

- **Erref:** ISU-004/023
- **Iraupena:** 0:04:42. **Hasi:** 00:28:02. **Bukatu:** 00:32:44
- **Multimedia:** bideoa online ikusgai

Gaia(k):

- Aisia » Kultura » Bertsolaritza

Laburpena:

Ainhoa eta Leire lizeoko bertso eskolan aritzen dira Baionan, eta gustura, gainera. Gorakada handia bizitzen ari dira iparraldeko bertso eskoletan. Odei Barroso eta Aimar Karrika dituzte irakasle, eta gustura aritzen dira haiekin. Gasteizeko bertso eskola saioez ari zaigu Maddi.

7. Entzule gaztea Xilaba bertso txapelketan

- **Erref:** ISU-004/024
- **Iraupena:** 0:01:34. **Hasi:** 00:32:44. **Bukatu:** 00:34:18
- **Multimedia:** bideoa online ikusgai

Gaia(k):

- Aisia » Kultura » Bertsolaritza

Laburpena:

Publiko gaztea sumatzen da Xilaba bertso txapelketan. 2012ko Txapelketan parte hartu zuen Maddik lehendabizikoz, eta urte hartan jende gazte ugari hurbildu omen zen saioetara.

8. Bertso eskolen arteko harremana

- **Erref:** ISU-004/026
- **Iraupena:** 0:02:31. **Hasi:** 00:34:55. **Bukatu:** 00:37:26
- **Multimedia:** bideoa online ikusgai

Gaia(k):

- Aisia » Kultura » Bertsolaritza

Laburpena:

"Bertso eskolen egunak", "bertso udalekuak" eta halkoak sekulako aukera izaten dira Euskal Herriko hainbat bertso eskolen arteko harreman sarea ehundu eta sendotzeko.

9. Euskalkiari eutsi ala moldatu

- **Erref:** ISU-004/030
- **Iraupena:** 0:03:19. **Hasi:** 00:42:42. **Bukatu:** 00:46:01
- **Multimedia:** bideoa online ikusgai

Gaia(k):

- Aisia » Kultura » Irakurtzea
- Kultura » Aisia » Hedabideak » Irratia
- Euskara » Euskalkia, herri hizkerak, euskara batua
- Kultura » Aisia » Hedabideak » Telebista

Laburpena:

<p>Hirukoteak badu aski gaitasunik, bere euskalkian mintzatzeaz gainera, gipuzkeraz eta batuaz mintzatzeko ere. Batetik, etxean ez dutelako euskalki bakarra jaso, eta bestetik, euskal irrati eta telebista kateak ikus-entzuten dituztelako, bai eta Euskal Herri osoko literatura irakurtzen ere. Euren herritik urrunduz gero, ordea, bakoitzak bere modura eta bere hautu pertsonalekin bizi du gainontzeko euskaldunekiko harremana.</p>

10. Musikarekiko zaletasuna

- **Erref:** ISU-004/034
- **Iraupena:** 0:04:30. **Hasi:** 00:47:27. **Bukatu:** 00:51:57
- **Multimedia:** bideoa online ikusgai

Gaia(k):

- Aisia » Kultura » Musika

Laburpena:

Musikarekiko zaletasun handia izan dute familian. Ainhoa familiako gitarra jole nagusia da, baina ahizpa eta lehengusina ere ari dira ikasten. Maddi eta Ainhoa "Soinu Ttiki" elkartearekin ere ibiliak dira, herririk herri, eta baita atzerrian ere. Ainhoek eusten dio, nolabait, orduko taldekide batzuekin biltzeari. Maddi utzia du, halaberharrez, ikasketal direla medio.

11. "Zezenaren Taldea"

- **Erref:** ISU-004/036
- **Iraupena:** 0:03:13. **Hasi:** 00:52:04. **Bukatu:** 00:55:17
- **Multimedia:** bideoa online ikusgai

Gaia(k):

- Aisia » Kultura » Musika

Laburpena:

Musikari dagokionez, denetik entzuten dutela diote. Hala ere, Leire "Zezenaren Taldea"-ren zale itsu azaldu da. Garazi eta Itsasu inguruko musikariez osaturiko taldea da, aski musika berezia egiten duena.

12. Esamolde eta irainak, erdaretan

- **Erref:** ISU-004/040
- **Iraupena:** 0:05:21. **Hasi:** 00:59:43. **Bukatu:** 01:05:04
- **Multimedia:** bideoa online ikusgai

Gaia(k):

Laburpena:

<p>Esamolde eta irainak bakoitzak bere modura botatzen dituzte, bakoitzak hizkuntza hautu ezberdinak eginez, baina euskaraz, ia inoiz ez. Zer pentsa ematen dienez, hausnarketa abiatzen dute gaiari buruz.</p>

13. Hika jardun nahi, baina ezin

- **Erref:** ISU-004/041
- **Iraupena:** 0:02:03. **Hasi:** 01:05:04. **Bukatu:** 01:07:07
- **Multimedia:** bideoa online ikusgai

Gaia(k):

- Euskara » Tratamenduak
- Euskara » Tratamenduak » Hitanoari buruz

Laburpena:

Hika aritzeko geroz eta ezagutza gutxiago du jendeak; ondorioz, gaitasun gutxiago.

14. Maileguak eta kalkoak

- **Erref:** ISU-004/045
- **Iraupena:** 0:01:15. **Hasi:** 01:09:12. **Bukatu:** 01:10:27
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

Hirukoak natural ikusten du beste hizkuntzetatik mailegatutako hitzak eta kalkoak izatea. Leirek, baina, euskararen ezagutzaren garrantzian jartzen du azpimarra.

15. Etxeko hizkera

- **Erref:** ISU-004/047
- **Iraupena:** 0:04:33. **Hasi:** 01:11:17. **Bukatu:** 01:15:50
- **Multimedia:** bideoa online ikusgai

Gaia(k):

- Euskara » Euskalkia, herri hizkerak, euskara batua

Laburpena:

Hitz arrotzak erabiltzen hasteari eta berriak sortzeari buruz. Ikastolan batu antzekoa ikasi zutela diote, eta herrian herriko hizkeratik, aldiz, gutxi. Aitonak "rr" bikoitza egiten zuen, eta amonak, aldiz "h" hasperentzen.

16. Euskara "normalizatuagoa" da gaur egun

- **Erref:** ISU-004/049
- **Iraupena:** 0:04:42. **Hasi:** 01:16:14. **Bukatu:** 01:20:56
- **Multimedia:** bideoa online ikusgai

Gaia(k):

- Euskara » Euskalkia, herri hizkerak, euskara batua
- Familia eta harremanak » Herriko giroa » Herriaren nortasuna

Laburpena:

Euskaldun izateko bi manera izan dira, funtsean, iparraldean: mugimendu abertzaleari lotua bat, eta frantses izateari lotuagoa, bestea. Egun, bateko eta besteko euskaldun belaunaldi berriek, aurrekoek baino harreman normalizatuagoak dituzte, Itsasun, bederen.

Ahotsak.eus-eko edukiarekin sortutako dokumentu automatikoa.
2026-06-29

CC-by-sa | Ahotsak.eus
Badihardugu Euskara Elkartea
Markeskua Jauregia, 20600 Eibar
943121775 - ahotsak@ahotsak.com